


www.BibleForChildren.org

Mat. 26



Paskua námper
jeatin sais
tsawant ajasmatai
Jesus Petanianam
wémiayi. Jesus
jakamunmaya_ iniantkímia
nú Rásaru nuí_pujumiayi.
Tura Marikia kuṅkuinian
ti kuitjiaí_ritru ajapén
sumak itiamiayi. Tura Jesusa
naweṅ kuer ni intiashíjiaí_
japirmiayi. Je_asha nu kuṅkuin
ti shiir kuṅkuṅmiayi.



Nuyá_ Jútas Iskariúti, Jesusa unuiniamurĩntiat Yúsnan
pujurniu úuntriñ werimiayi Jesusan suruktaj tusa. Nisha
nuna antukar warasar
“Kuit amastatji” tiármiai.
Jútassha Jesusan itiurak
yúpichuch tsañkamkattaj
tusa enentáimias
wekaimiai.




Tutai ni unuiniamuri_wéar Jesus timia nuna umikiar Paskua nampertin yurumátniun iwiararmiayi. Tura yurumuk pujuiniaj_Jesus yurumkan achik Yusan yumiņsamiayi. Tura puur ni unuiniamuriņ suńniak chichaak “Ju_yuátarum. Ju_ka winia ayashruiti” tímiayi.




Nuyá_piniṅkian achik Yusan
yumiṅsamiayi. Tura suíniak
chichaak “Juṣha ashí umartarum.
Juḷka winia numparuiti. Tura winia
numpar puármatai yamaram
chicham nekas uminkiattawai tawai.
Tura puármatai untsurí shuara
tunaariṅ tsaṅkurattawai.”



Nuyá_ Uunt Jesus chichaak “Nekaata, Semuṅká. Trikiu neré_ tsatsamátniua áintsan_ iwianchi uuntri_ Satanás atumí enentáin_ páchim enentáimtikramprataj tusa seayi. Tuma ain_ Yus enentáimtustinian kajinmátkiin_ tusan Wisha Yusan seamjai. Tura Yusai_ waketkim ame yátsum ikiakárarta” tímiayi.



Tutai Semuṅ chichaak “Uuntá, sepunam enketmainiakuisha wisha nemarsatajme. Tura mantamainiakuisha métek jakatai” tímiayi.
Takui Jesus chicharuk “Pitrú, nekas tájame, yamaik atash shiniatsain ame menaintiú natsantrurtatme” tímiayi.



Nuyá_ Jesus ni
unuiniamurijiaí_ Jitsemaní
ajanam jeá chichaak
“Juí_ pujusrum
nákarsatarum. Aranta
ai_ wena Yusan áujstataj.”
Tuke áujuk chichaak
“Apawá, ashí tujinchaitme.
Piniñnumia_ ashí umartinia
ántsañ_ ti nekapsatajna nú
waitsatin jurutkitia. Antsu Wi
wakeraj nucha, ame
wakeramuram túrunati”
tímiayi.



Tura untsurí suntarjaisha Jesusan tariarmiayi.
Pariséusha tura Yúsnan pujurniu penkerisha
suntarnasha nuyá Yusa Jeen wáinniuncha
Jesusan achikiárat tusa akupkarmiayi.
Nisha machitniasha nankincha
rámparancha jiniasha júkiar
weriarmiayi. Tura chikichik
Yúsnan pujurniu uuntri
takarniúri kuishin untsuurin
tsupirkamiayi. Tura Jesus
chicharainiak “Iniaisatarum.”
Nuna tinia ni kuishin
antiñ tsuáarmiayi.



Nuin̄kia Jesusan achikiar emetawar Yúsnan pujurniu
uuntri_jeen júkiarmiayi. Tura Pítrusha íkiañ nemarki_
wémiayi. Tura aach jinia ikiapárarmiayi.

Túrawar anamuk
pujuarmiayi. Pítrusha
nijiaí pujusmiayi.



Chíkich takarin Marku
shuari_nui_pujumiayi.
Pítur Marku kuíshin
tsupirkamia nuna
shuari_asa chichaak
“¿Ajanam Jesusjai
wekaamin
wáinkiachmakjam?”
Tutai Pítur ataksha
“atsá” tain_ atash shiniukmiayi.
Nuyá_Pítur jiinkí_tí utmiayi.





Nuyá_ashí Uunt iruntrarmia nu
wajatkia Rúmanmaya_ akupin Piratuí
Jesusan júkiarmiayi. Tutai Piratu
Jesusan chicharuk “¿Ame Israer
shuara akupniúrĩnkiaitiam?” tímiayi.
Tutai Jesus chichaak
“Ee, nuitjiai, ame
támena núnisnak” tímiayi.
Piratuka Jesusan
akupkáttsa wakerak ataksha

aentsun áujsarmiayi. Túrasha
nú arant untsumainiak “Atsá.
Krúsnum mantamnati” tiáirmiayi.




Tutai Piratu Jesusan krúsnum
mantamnati tusa tsan̄karkarmiayi.
Túramtai nisha Jesusan júkiar
wéarmiayi. Jesussha ni krusri_yanakí_
Kúrkuta nainnium wémiayi. Kúrkuta
támaka Israer shuara chichamejainkia
“muuka ukunch” tawai.



Nui krúsnum ajintrurar awajainiarmiayi.
Tura máj pae jimiará shuaran chikichik
chikichik awajainiarmiayi.
Tura Jesus ajapén ámiayi.



Tsawáí_nantusha mushatmarmiayi. Tura Jerusaréñnum
Yusa Uunt Jeencha tarach ejamu aa jímiapetek
jaañakmiayi. Nuyá_Jesus untsumuk “Apawá, winia
wakantrun Amiin ikiuajai” tímiayi.
Nuna tinia jakamiayi.



Arimatéanmaya_ Jusé arantutsuk
kakaram ajas Piratuí_jeá Jesusa
ayashin seatajtsa utuamiayi.

Nu Jusencha ashí irunin
ainia nu anturin ármiai.

Nisha Yus ju_
nuñkanam akupin
ajasat tusa
nákasmiayi.

Jusesha riniu
tarach wañkarman
sumarak Jesusa
ayashin itiar áepas
penuarmiayi. Tura
yamaram kaya
táurmanum ikiusmiayi.
Ikius wáitiniam kayan
atutmiayi.



Nu kíarain̄ ayampratin tsawantna
mash iwiarnakui Yúsnan
pujurniu úuntriṣha tura
Pariséusha Piratuí
wéarmiayi. Tura
chicharainiak “Uuntá,
nu wáitrin áishman̄
iwiaaku pujus
‘Menaintiú tsawant
jakan

nantaktiatjai’ t́iniuyi.”



“Tutai wéar iwiarsamun urankashti
tutar etektukma inkiunmanum
serajai yakarar ni
áarmarın anujtúkarmiayi.
Tura suntarnasha
awajtúkarmiayi.”



Ayampratin tsawant nan̄kaamasmatai
tumiñtin yama tsawaana ai
Maktaranmaya Marisha
chíkich Marijiaí iwiarsamu
iyutai tusar wéarmiayi.

Tumai Yusa suntari
nayaimpinmaya
iwiarsamun tarí
kaya atutkamun
urak nui

pujusmiayi.
Túmakuí nuñka
tí uurkamiayi.



Tura iwiarsamun wáiniarmia nú
suntarsha nuna wáinkiar
ashamainiak ti kuraṅkarmiayi.
Jaká áinis ajasármiai.




Nuyá_Yusa suntar nuwaṅ chichaak
“Ashamkairap. Jesus krúsnum
máwarmia nu e_atsrumek.
Juinkia pujatsui. Ni timia
núnisaṅ nantakniuiti.
Pai, áepsarma nu
iitiarum.”



Tutai nu nuwa_iwiarsamunmaya_wárik
jĩinkiar ashamainiayat ti warasar tseke
waketkiarmiayi ni unuiniamuriñ
ujaktai tusar. Tumaí_Jesus
wantintiukarmiayi. Tura pujarmek
takuj_Jesusan tariar tikishmátrar
naweñcha miniakrusar shiir
awajsarmiayi.





Nuyasha Jesusa aunse unuiniamuri_ apatuk ekentrar yutainiam pekamkar pujuinian Jesus tarí chicharainiak “¿Atumí enentái_ urukamtai kátsuram ainia, urukamtai Winia nekas enentáimtursachuram?” tímiayi. Ni nantakmiarín wáinkiaru chichamen_ anturkacharu ásarmatai kakantramiayi. Jesus chichas amukmatai Yus nayaimpiniam jukimiayi. Túruna Yusa untsuuríni_ pujusmiayi.



Yuska ashí
shuaran ti anea asa, ni Uchirín chikichik
ana nuna shuaran uwemtikrarat tusa
tsaṅkatkamiayi. Tuma asa ashí shuar
Niin enentáimtana nu, jinium wécharat
tusa antsu Yusaj_tuke iwiaaku
pujusárat tusa ni Uchirín
akuptúrmakmiaji.



Rum. 3:23 Túrasha ashí shuarti tunáa túraitji. Tuma asar Yusa shíirmariya_ tímianu ajastin penké jeatsji.

Rum. 6:23 Tunáa takarkumka tuke jákatniun akirmáktatui. Antsu Yuska iikia takaatsrinin_ penké ántar tuke iwiaaku pujustinian suramsattaji. Ii Uuntri_ Jesukrístujai_ tsaniñkia pujá asakrin nuna túrutmattaji.

Isr. 9:27 Ashí shuarsha chikichkí jakar nuyá_ ni túrukarman Yusai_ nekamatin áiniawai.

Ipi. 2:8,9 Jesukrístu nekas enentáimta asakrumin Yus waitnentramar uwemtikrampraiti. Ju_ka átumkeka túrunachuitrume. Antsu Yuska Niñki kuítchajai_ suramsaitrume. Shuar ni takatríjjiai_ uwempratniuitkiun_ka nañkamantu enentáimsainti winia kakarmarjai_ uwemprajai tusa. Nu enentáimsatniuka atsutí tusa Yuska átumka takaatsrumnin_ uwempratniun suramsamiarme.



Rum. 10:9,10 Yus Jesusan jakaan iniantkímia nu nekasaiti tu enentáimtakum tura wénumjai “Jesus winia Úuntruiti” tákum uwemprattame. Kame enentáimjjai Kristu nekas Yusa uchirínti tu nekas enentáimtakmin Yus péñkeraitme turamtatui nuyá wénumjai “Jesukrístun enentáimtajai” tákumka uwempraitme.

Jn. 3:16,17 Yuska ashí shuaran ti anea asa, ni Uchirín chikichik ana nuna shuaran uwemtikrarat tusa tsañkatakamiayi. Tuma asa ashí shuar Niin enentáimtana nu, jinium wécharat tusa antsu Yusaj tuke iwiaaku pujusárat tusa ni Uchirín akuptúrmakmiaji.



1 Jn. 5:11-13 Yus aentsun kajerak jinium surukat tusa ni Uchirín akupkachmiayi. Antsu uwemtikrarat tusa akupkámiayi. Yus ni Uchirín timia juíti. Tuke iwiaaku pujutai nérenniuiti tura nu iwiaakmancha iin suramsaitji. Yusa Uchiríjiaj tsaniñ wekaana nú shuar, nu iwiaakmajaj iwiaaku pujuiniawai. Tura Yusa Uchiríjiaj tsaniñ wekaatsna nú shuar, nu iwiaaku átinnium pujatsui. Yusa Uchirí nekas enentáimtakrum tuke amuicha iwiaakmajaj iwiaaku pujarme. Nu nekaatarum tusan juña áatjarme.



Mat. 26-28; Ruk. 22-24; Jn. 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Shuar Bible (jiv) ©2009 Avant Ministries in cooperation with
Wycliffe Bible Translators, Inc. All rights reserved.

<https://www.bible.com/bible/597/GEN.1.JIV>

©2025 Bible for Children, Inc.

www.M1914.org

www.bibleforchildren.org

